

AYONGIT ACAMUNET NAITUTUBIO KAILAJAARA, KOLINGAKITETE IDO KOJENETE AKIRO KERE EDUMUNIO ALUPOK KANU ASWAMISINEI NU ABAR KO UGANDA

Nuegeete ka Alosikinet

Elosikit apapula na aijaikin aicorio naikamunit Acamunet naitutubio Ailajaara, Kolingakitete adumun ido Kojenete Akiro kere (FPIC) ka eitwasamaeke ko Uganda kotupitete kwape ejautene loitetemit epurojekt loka Eipugae Lo Aswamisinei nu Abar kotoma Alupok ko Uganda kopone Loepodokit (RGIL). Alosikinet cut naitebeikit epurojekt loka RGIL nes aisinyikokin aswamisinei nu abar kotoma alupok koponesio luitolomunete iboro luejai ajokis, kigangitos ayait alupok kopone loebusi bon ido koyongitos apedorosio ka ipudesia luka itunga katutubet, aimoriarit igurupun ka angor nuenonok ejautene. Kojautene kalo, epolok akiro nuka FPIC kanu ayuarit apedorosio nuka angor, ikiliok ka igurupun luka itunga luenonok ejautene kede kanu aanyun ebe itolosio aswamisinei nu abar akaulo na aineranar ber ka itunga katutubetakec lu aticepak epedorete aswamisinei nu abar aitotolikin ejautenekec.

Adumunun Alupok ko Uganda


Adumunio na alupok ko Uganda nes eyatakin noi kokaru luatuboros ido korai ibore yen eremitos apugan ka aswamisinei nu abar nuitolosete iriongeta lumam eraas lu apugan kanu ipurojekitan luaiduk icuuman, irotin, nuce aduketa ka akoru, katuputupeta. Adumunio na alupok nes itolosete apugan ka iriongeta luebwoikitos nesi kopone lo abuar arai itunga idiopediopet ikulepek acamanar kanukec bon. Aijaario na alupok kopone lobuikino nes ipugatos Ekonsitusion loka Uganda lo Ekaru 1995, Ekisil Lo Aijaario na Alupok Nabuikino (Esuula. 226) ka Ekisil lo Loapolon lo Alupok (Esuula 227) ido adumunio na alupok naeseunete itunga bonik kanukec nes itolosete itunga kotupitos abwoetai na ajaut naka yenekot agwelar-yenekot agwela. Kanu adumunun alupok kopone kangol, ekot Eiswamae Loapolon loigirunitai (okaru 2018) komam ber itutubitali loikamunit Adumunio, Aiboikin ka Aiteten Ejautene nes ipudakin kojai aswam abar kalupok kopone loepodokit lo mam itukuriani amudiar iponesio luejariata itunga kotoma akoru; kopedorite aijaikin itunga lukocaaloi arerengeso nuejariata nuebusete bonik, kocamunite ido koyongite apedorosio nuka alupok nueyaitai kopiten, aimoriarit apedorosio nualupok nuemorete itunga kere katutubet, ido koyongite apedorosio nuka etunganane, kacut apedor na adumun inyammat, itogoi ka akipi. Ekotokin do na aitolomikinio naka akiro nuka FPIC toma ainapeta eringa, kapak ka akaulo na asipokin aswam na aibar kanu aanyun ebe elomaritos itunga luka atutubet da toma akiro nu.

Eiswamae Loapolon loka Uganda Lotupitono kanu Alupok

Itetemit Eiswamae Loapolon loka Uganda Lotupitono kanu Alupok loetutubio okaru 2013 adoketa nuedukunitai kanu aitetem epelu loalupok kotoma aitopol akwap wok, araut ikulepek alupok, akoranar, aitwasamao, atwaniar nejaas ilongwau, ayait, ka aitikitikio na alupok ko Uganda. Ecamunit Eiswamae Loapolon loka Uganda Lotupitono kanu Alupok ebe epedori apoloor naka aswam abar naitolosete ilongwau eitena ainakin akoriok luedisiak imanikoria atwaniar alupok kolomunete amamus ayuara kowai lo araut ilopet alupok, amamus ayuara kowai lo inyammat, ingungeta lualupok ka ibakor. Ekot do na kojaas iponesio lueyaunete aitiiriano naedolit kiding aitojok iponesio luejariata itunga, ayuarit igurupun luitunga luenonok ejautene ka aikeun arerengeso nuka aswamisinei nu abar ka apolo. Kwape epone loayuarit apedorosio nualupok kanu itunga luakwapuwok lueteraikina kwana ka atiokisio nuka aswamisinei nu abar nuelalak noi, abu apugan kolosik asipokin akiro ka adoketa nuibecokina nutupitono kanu ainerunun ka acamanar ka itunga luipu katutubeta eringa esipokina aswam abar, aijaikin irotin luce luitemonokinet ingungeta ka aingarakin igurupun luka itunga luenonok ejautene, aimoriarit angor, ikokiok, ka akoriok luedisiak imanikoria luduc idila aswamisio nu aibar nuelalak agitanar kesi awai, kopedoritos kesi adumun alupok aitwasam. Kakiro nuka FPIC, eyuarit Ekonsitusion loka ekaru 1995 apedorosio nuitunga luka akwapuwok nuaraut

ikulepek iboro ido ijaikit apeteta nuepedori apugan aitwasam kanu abuikin aijaar alupok kanejai itunganan arai erionget lomam erai loapugan. Itacaunit cut Ekonsititusion ebe iswamaunos nuka abuur aijaar itunganan iboreke akaulo bon na ber aitac atwaniarike kolingakina, kotoma apak, kojokuna ido kodolite ido ejaas itunganan yenakwapuwok ka apedor adolokin adieket na ikisila luapugan arai mam ngesi imonikina kede atacio arai epone loejaarere alupokoke.

Amisiikin abwoetai naka FPIC



Erai FPIC aiyuunet naeyuaritos adoketa nuka apedorosio nuka etunganane nuitutubitos akwapin kere, “ejaas itungasinei kere ka apedor na aitutub nuekotos kajjarakec” ido – naerucokina ka apedor na aitutub nuekotos kajjarakec – “ejaas itungasinei kere ka apedor na aswam nuekotos kanu aitodolikin apolo kec kowai loakerianut, ateker ka epiten”. Erai FPIC epone ka adoketa nutupitono nuepedoriata itunga luatutubet ka luce imeeban luatutubet, angor, ikiliok, atumunak, itunga luenonok ejautene, ka ice da alomarit toma akiro nuitolosio nuitolitolete aijar kec ido kacut eitwasamae loka alupok ka iboro lueyaunete abar (FAO, 2014). Akiro nuepolok nuedukunitos FPIC kes itetemitai kotoma Aput 1.




Aput 1: Aiyuuneta ka Akiro nuepolok kotoma FPIC. Erokunitai ka aiteten kanejai FAO, 2014.

Eupanara aiyuun naka FPIC ka Aicoreta Nueseunete Itunga Kanukec Bonik nuikamunitos Eipugae Loepodokit Eyaitene lo araut Ikulepek Alupok (VGGT), nuebalas ebe aswam abar kopone loepodokit nes najiakinit ajokisio nejai akwap ka itungake ido itojokit ebe, arai aticepak itotolikini epurojekt iboro lueyaunete abar lueingitos itunga luatutubet apedorosio kec, “ekot nesi kobwoi kotoma aineranar ka acamanar naiswamai ejok ido naejai apolou kede itunga luatutubet, kitoritete nejias iriongeta luebwoikitos kesi tetere adumun acamunetekec kailajaara, kolingakitete ido kojenete akiro kere nuibusakinit” (FAO, 2012).

Aitolomikin aiyuuneta nuka FPIC toma oponesio luka aswam abar kalupok ko Uganda

FPIC nes itekeri alosikinet naelal na adukun acamunet naitunga kere. Acamunet koipone kalo nes duc itebeikitai kanu aijaikin itunga katutubetakec, aimoriarit angor ka igurupun luenonok ejautene, apedor na ainerunun ka aitutub nuikamunitos apolo kec kowai loateker, akerianut ka epiten ka aispedoor aitutubio na akiro kojaikina itunga kere toma.

Imoriarit FPIC aiduk apedorit naitunga luatutubet naitebeikitai epurojekt, aitagogong iriongeta luateker kopiten kanu aanyun ebe iyatakin abwoikinio kec ido imorikikit itunga kere toma, aikeun aijen naitunga naikamunit apedorosiokec ka epone loeyuariata kesi tetere adumun acamunet naejai apolou ido kakere aricit ayongit apedorosiokec nuaitutub nuekotos kajjarakec, apedorosio nualupok ka iboro lueyaunete abar kede apedor naimorimorit kere na ajaut toma ainerunun ka aitutub akiro. n.



Ajokisio nuaibwaikit FPIC toma imoriaritos ace kanuta:

- ▶ Eanyuni ebe elimorete itunga luatutubeta apedorosiokec kangin adoketait naitemonokin ka aitodolikin aswamisinei nu abar.
- ▶ Itodiari aijen naitunga katutubet nejaas ajokisio ka atiokisio nuaticepak epedorete alomun kotoma aswam abar adio kere.
- ▶ Isinyikokit ayuara naiponesio luejariata itunga katutubet kojai aanyun ebe ejai arereng akapakinakin kanu iponesio icie luejarere.
- ▶ Einakit arereng naitunga katutubet aitutub akiro nuikamunitos kesi.

Angetakinet

Kanu aswamisinei nu abar kalupok kopone loepodokit, araun FPIC adoketait naibecokina naeanyuni ebe inerunonio ka itunga luatutubeta kailleba naedolit kwangin koinakini arereng naitunga katutubet amisiikin ajokisio ka atiokisio nuaticepak alomunete kotoma aswam ngin na abar nejai ejautene loejok loka aijarakec. Kanu ikeswamak abar ka apuganasia, alomu FPIC kwape epone loejok kakere loeinakit erot loecobe kakere lopedoret ayait atiokisio nuaticepak epedorete alomun. Kanuka ngun, ekot Apugan naka Uganda aanyun ebe itwasamao ido eyongitai FPIC kwape adoketait naibecokina kanu ainerunun ka itunga katutubeta eringa esipokina ido kapak na aswam ngin na aibar.

Itaabon luelemunitere akiro nu ace ka luibusakinit aiyatakin aisiom

- Cotula, L., Vermeulen, S., Leonard, R., Keeley, J., (2009), Land Grab or Development opportunity? Agricultural Investment and International Land Deals in Africa, IIED/FAO/IFAD, London/Rome ([Land grab or development opportunity? Agricultural investment and international land deals in Africa | Publications Library \(iied.org\)](#))
- Draft Land Acquisition, Resettlement and Rehabilitation Policy for Uganda, 2018, Ministry of Lands, Housing and Urban Development, Kampala, Uganda ([181113-LARRP-Revised-Draft-3.doc \(live.com\)](#))
- FAO 2014, Respecting free, prior and informed consent ([Respecting free, prior and informed consent \(fao.org.\)](#))
- FAO 2012, Voluntary Guidelines on the Responsible Governance of Tenure (VGGT) of Land, Fisheries, and Forests in the context of National Food Security. Rome (<http://www.fao.org/docrep/016/i2801e/i2801e.pdf>).
- The Constitution of the Republic of Uganda, 1995, ([Constitution of the Republic of Uganda | Ulii](#))
- The Land Act, 1998, ([Land-Act-1998-as-amended-CAP-227.pdf \(mlhud.go.ug\)](#))
- The Land Acquisition Act, 1965, ([Chapter 226 Volume 9 \(landnet.ug\)](#))